

## **Symma Juris Canonici**

Comprehensa Tribus Partibus In Qva Distincte Et Succincte Explicantur,  
quæ ad personas, negotia, & iudicia Ecclesiastica ex Canonum præscripto,  
pertinent

De Personis Ecclesiasticis, Earumque statu, Dignitate, munere, &  
Immunitate

**Strein, Johann**

**Coloniæ Agrippinæ, 1658**

§. 9. De annatis.

---

[urn:nbn:de:hbz:466:1-61816](#)

§. IX. DE ANNALES.

54

§. IX.

De Annatis.

I. **A**nnatæ (pensionis) seu Annatarum vocabulum non uno modo sumitur. Late acceptum significat illam seu pecuniaæ, seu pensionis quantitatem, quæ pro quoquæ beneficio consistoriali iuxta taxam Romanæ Curiæ soluitur. Secundò est medietas fructuum primi anni, quæ pro aliis beneficiis minoribus, non consistorialibus exigitur. Propriè est redditus primi anni soluendus Curiæ Romanæ pro expeditione cuiuscunquæ beneficij consistorialis in Camerâ non taxati. *Laert. Cherub. initio Bullarii. Azor Par. 11. l. 7 c. 12. Eckius in Enchir. c. 25.*

II. Omnim prīmō constitutam esse à Bonifacio ix. An. Chr. millesimo trecentesimo nonagesimo sexto *Platina* scribit. alii auctorem faciunt Ioann. xxii. qui An. 1316. electus est. *Cherubin. Par. i. Bullarii p. 142.* annatarum solutionem antiquissimā vocat, & approbatam in *Conc. Vienn.* quod celebratum Anno Chr. 1311. sub Clem. V. & Constantiensi, quod Anno Christi 1414. in schismate trium Pontificum cœpit. Si Annatas primō constituit Bonifacius ix. vel Ioannes xxii. quomodo approbata sunt in *Conc. Vienn.* quod multū antecessit, & quo modo antiquissimæ vocari possunt? *Polydorus Virgil.* quem in *Chronico suo Genebrardus* sequitur, l. 8. *De Invent. rer. c. 2.* Annatarum usum ait antiquiorem esse, quām recentiores quidam sciptores existiment. Mallem ipsam, & veram originem indicasset. Illud benè animadvertisit, à Bonifacio ix. &

Ioanne xxii. denuò exactas esse, cūm p̄t dem intermissæ fuissent.

III. Annatarum exactiōem multi impugnarunt. Præter hæreticos, quibus nihil iucundius & facilius, quām Romano-rum Pontificum acta criminaris, *Cosmus auctior Glossa in Pragmat. Sanctionē, & Guarenus 1. 6. de sacris Ecclesiæ ministris* scribit repugnare juri divino, & ecclesiastico. Iuri divino quidem, quia Christus *Matth. 10.* præcepit suis, ut quæ gratis acceperint gratis darent. At per Annatas contrarium fit, quia pro Abbatia, vel episcopatu extinguntur. Hinc *Guarenus* concludit, conventionem inter *Leonem X. & Franciscum I. Gallicia Regem*, quoad hoc turpem, & inhonestam videri, ideoquæ pro non scriptâ habendam. Iuri ecclesiastico quoque contrariari patet *ex causa I. Q. I.* ubi multi Canones vetant Simoniam, & prima Rubrica habet. *Emere spiritualia grave peccatum esse, multorum auctoritate probatur.* His accumulant alias rationes, quæ etiam in Concilio Basileensi propositæ sunt. *Prima est.* Omnes Christianos abstinere decet etiam è specie mali. ergo multo magis Romanum Pontificem, & illius Curiales. *Secondò*, per Annatas factum est, ut indigni ad summum Ecclesiæ honorem, & Prælaturas ascenderent, præteritis dignis, eò quod propter inopiam tantam pecuniæ summam non possent exhibere. *Tertiò*, occasionem inde sumunt Prælati, ut clericis sibi subjectis novas contributiones indicant, ut suam ipsi pensionem compleant. *Quartò*, per eiusmodi praxes pecuniæ ex Regno, & provinciis propriis Romam deferuntur, quod non tantum grave, & noxiū, sed insupportabile aliquando. *Quid enim, si intra unius, vel duorum an-*  
*norum*

orum spatum bis, aut ter novus episcopus eligendus sit, an totius unius anni redditus 30. aut 40. millium pensio Romammittenda? Propter eiusmodi incommoda Ioannes Andr. in c. *Inter cetera de off. Ordin.* consilium dedit, idq; in Concilio Vienn. oblatum episcopis est, ut summus Pontifex loco annatarum vicesimam partem omnium proventuum ecclesiasticorum pro sua, & suorum sustentatione sumeret. Non acceptarunt Prælati illud timentes ne futuri Pontifices & vicesimam partem redditum, & Annatas simul exigenter. *Card Tusibus Conclus.* 378.

IV. Extat Concilii Basileensis, non approbatum à summo Pontifice, *decretem* *sess.* 21. his verbis. Sacrosancta Synodus statuit ut de cætero nihil penitus ante, vel post exigitur, ratione literarum, Bullæ, Sigilli, annatarum, communium, & minorum servitiorum, primorum fructuum, deportatum, aut sub quocunque alio titulo, colore, vel nomine, prætextu cuiuscunque consuetudinis privilegijs, vel statuti, aut aliâ quavis causâ vel occasione, directè vel indirectè, solum scriptoribus, abbreviatoribus, & registratoribus literarum, seu minutarum pro ipsorum labore competente salario persoluendo. Ita Concilium Basileense contra Pontificiam Curiam, ut mirum non sit, approbationem decessit.

V. Non obstante Pontificis dissensu, & contradictione Curialium, *Carolus VII.* *Gallie Rex* in Bituricensi conventu præallegatum Basileensis Concilij Decretum sanctione Pragmaticâ approbavit, veriusque, ne quisquam ante vel post impetracionem, & confirmationem Romanæ Curiae pendatur præter iustum stipendum illis, qui literis, aut Bullis expediendis oc-

cupantur. *Gualter. in Chronol.* pag. 617. *Ge-nebr. in Engenio IV.* *Hitic Greg. Tholos.* l. 33. *Syntagma.* c. 13. n. 42. In Gallia, inquit, meritò videntur sublatæ Constitutiones Curiae, aut Cancellariæ Romanæ, quæ Bur-sales vocantur: & Annatae, seu taxationes beneficiorum, quas Galli non soluunt, nec tenentur in impetracione beneficiorum exprimere verum beneficij valorem; et si de his quædam compositiones soluantur.

VI. Pro Germaniâ inter Nicolaum V. Pontificem, & Fridericum III. Imperatorem ita convenitum est, ut de Ecclesiis cathedralibus omnibus, & monasteriis viro-rum duntaxat vacantibus, & vacaturis soluantur pro fructibus primi anni à die vacationis summæ pecuniarum in libris Cameræ Apostolicæ taxatae, quæ communi-nia servitia nuncupantur, & si quæ exces-sivè taxatae sint, retaxentur. Et infra annum bis, aut plures vacaverint, semel tantum soluantur, nec debitum eiusmodi in successorem, ecclesiam, vel monaste-rium transeat. De cæteris vero dignitatibus personatis, officijs, ac beneficiis sæ-cularibus, vel regularibus quibuscunque, quæ auctoritate Sedis Apostolicæ confe-rentur, soluantur Annatae, seu medij fru-ctus iuxta taxam solitam à tempore pos-sessionis infra annum. Sed de beneficiis, quæ valorem 24. florenorū auri de Ca-merâ non excedunt, nihil soluantur, cur-ratque hæc observantia deinceps, nisi eam similiter in futuro Concilio de ipsius na-tionis consensu contingat immutari. *V.* *Concordata apud Canisium in sum. Iur. Cano-nici.*

VII. Soli Angli, ut Polyd. *Vergilius refert* l. 8. *De rer. inventorib.* c. 2. præ aliis nationi-bus;

56 §. IX. DE ANNATIS

bus, Annatarum onus recusatunt subire in minoribus Sacerdotijs: ex quibus aliis integris, & provinciis dimidiam unius anni proventuum partem capere Pontifex solebat. Quantum inde annue colligatur, difficile, & incredibile dictu est. In solâ Galliâ consecisse Annatas olim sexcenta nonaginta septem millia septingentos, & quinquaginta frances, sine Prælaturis, quæ non taxabantur, cum earum summa nihil minor esset, fide digni Auctores tradiderunt. V. Archantologiam Gotofredi p. 51. & Taxam Episcopatum Gallie in Tom. 10. Tractatum Iuris.

VIII. Errant verò plurimum, qui vel iniusticiæ reum faciunt Pontificem, vel cum Panormitanô Simoniæ accusant, quia pro collatione; aut confirmatione dignitatum & beneficiorum ecclesiastico-rum certam pensionem exigit. Neque enim pro eo, quod spirituale est, vel à Papa, vel Curialibus Romavis quicquam petitur, sed quia seminaristi spiritualia metere licet temporalia, pro sustentandâ familiâ, labore servientium, alii que oneribus ferrendis partem aliquam de beneficiorum fructibus decerpit Pontifex, & reservat sibi. eodem iure, quo posset alteri reservare, & applicare: ut qui bonoru[m] ecclesiastico[r]um generalis administrator est, at hoc ipsum, clamant malevoli, speciem mali habet, & incommodis n. 3. commemoratis obnoxium est. R. apud peritos, & ocu-lo simplici prædictos nullius mali species appetet. Aliiter si mali vel imperiti sentiunt, docendi, vel contempnendi sunt. Si cubi abusus invaluit, danda opera, ut corrigatur. V. Azor. II. l. 6. cap. 12. ubi circa finem monet, frustra Simoniam à quibusdam metui, quia illi nullus in summo Ma-

gistratu locus est.

IX. Superest explicare, quo iure Annatarum pensio Summo Pontifici debeatur? Ferdinandus Corduba in Tract. singul. de annatis demonstrare nititur, jure divino debeti, aut saltem ex jure divino scripto originem trahere. quoniam in Veteri lege iusu Dei decima fructuum pars Levitis, & Sacerdotibus soluebatur, qui deinde ex illis decimis decimam summo Pontifici dabant, quæ decima decimarum vocata est, Numer. c. 10. Eckius quoque in Enchir. suo tt. de annatis facetur, illas folui iuxta Veteris legis institutum. Rem propriu[m] intentu[m] facilis appetet solutione similium questionum. Cur enim redditus annui, distributiones, potionies, decimæ & similia debentur clericis, & Ecclesiae ministris? Si rem species, iure naturali, quia dignus est operarius mercede suâ, & qui altari servit, de altari vivit. 1. Cor. 9. V. 13. Si verò definitam quantitatem, ea non nisi humano jure, & arbitrio constituta est. Annata pensio igitur summo Sacerdoti debetur pro curâ & sollicitudine, quam habet omnium ecclesiarum: determinationem humana prudentia facit, cui non mirum si mixta cupiditas exorbitet. Quemadmodum ergo in assignandis beneficiorum proventibus nemo mathematicam, seu arithmeticam proportionem desiderat, sed morali contentus est, ita in taxa annatarum sibi faciendum unusquisque persuadeat. V. Eck. Enchir. c. 25. Azor II.

I. 7. c. 12. Grets. in Exam. Myſte-  
rii Plessani pag. 71.

TIT.